

■ PRESCHENTAZIUN DA LAS PARTIDAS

Glista 9 en il cussegl naziunal – Pult en il cussegl dals chantuns

Glista 9 en il cussegl naziunal e Jon Pult en il cussegl dals chantuns: Per clima e progress. Ils quatter onns passads a Berna èn onns pers. Tar il salva-



ment dal clima na succeda nagut. Las schanzas per umens e dunnas èn anc adina inegualas. Las premias per las casas da malsauns creschan, las pajas stagneschan. Pertge ch'i na va vinavant a

Berna è cler: En ils davos onns ha la politica seguì las lobis surpussantas ed ils interess da profit empè dal bainstar comunabel. A donn da la Svizra. A dischavantarg dal Grischun. Quai che la Svizra dovra uss urgentamain è la renovaziun e na la stagnaziun. Nus bajegiain in meglier avegnir sche nus fermain la catastrofa dal clima. Cun in green deal stgaffin nus en il medem mument plazzas da lavur e rendain l'economia fitta per l'avegnir. Lain investar per la tgira dals uffants e bunas pajas per umens e dunnas. E: Liquidain il filz ina giada per adina e faschain politica per la gliעד. Per tuts e na be per paucs. Quai è noss progress. Per quai ans engaschain nus cun curaschi. Cun optimissem e novs chaus sin la glista 9 da la ps Grischun e cun *Jon Pult* sco candidat per il cussegl dals chantuns.

Quai munta concret:

1. Salvar il clima per bajegiar in meglier avegnir. Il stgaudament dal clima è la pli gronda sfida da noss temp. Per l'entira umanità ed en spezial per il territori da muntogna. I dovra in agir rapid e decidi. Cun in green deal per noss pajais vulain nus far quai ed en il medem temp render noss'conomia abla per il futur grazia ad investiziuns en la retschertga, sanaziuns

da bajetgs, traffic durabel ed energias renovablas.

2. Colliar l'avertura europea cun ina ferma protecciun da las pajas. Senza progress social na funcziuna in'avertura numnadamain betg. Quai demussa il Brexit. Mo er la protecciun sociala senza avertura na funcziuna betg. Quai mussa l'Ungaria dad Orban. Nus vulain in rinforzament da las relaziuns cun l'Europa. En il medem mument ston dentant er nossas pajas, nossa segirtad sociala e noss service public esser garantids. Finalmain egualità per tuts ed ina politica da famiglias moderna. La chauma da las dunnas mussa: I dat anc bler da far. Nus vulain finalmain egualità da pajas, rentas fairas e dapli lavur en temp parzial per

um e dunna. Nus vulain in vair temp da geniturs, dapli e pajabla tgira d'uffants. E nus vulain la lèt per tuts, ina represchentananza commensurada da las dunnas en posiziuns da direzziun e nagina violenza e discriminaziun, da tut gener.

3. Premias pajablas ed in bun provediment sanitar per tuts. Per las premias per las chassas da malsauns na duai nagin pli pajar dapli che 10% dal salari per l'economia da chasa, nagin na duai pajar dapli ch'oz per las franchisas. Il Grischun duai vegnir cumpensà meglier da la confederaziun per sia soluziun exemplara tar la reduzziun da las premias. Per quai cumbattein nus. Exact sco cunter la reduzziun da prestaziuns medicinalas che mainan be tar ina medischina da duas classas.

4. Politica independenta per la gliעד empè da lobis pussantas. La politica svizra è memia savens a la corda da lobis pussantas e lur interess finansials. Memia blers politichers (ed intginas politicras) sa laschan «dorar» lur uffizis publics en cussegls administrativs, cussegls da fundaziun u consultativs da concerns pussants e voteschan memia savens per il profit da quels empè per il bainstar public. Nus pretendain dapli democrazia e stadi da dretg – er cun dapli trasparenza en la finanziaziun politica. E nus vulain dapli politicras e politichers independents che s'engaschan en il parlament per tuts e na be per paucs.

Partida socialdemocratica dal Grischun



Candidatas e candidats da la ps dal Grischun per las elecziuns dal cussegl naziunal: Phillip Wilhelm, Erika Cahenzli, Sandra Locher, Jon Pult e Franziska Preisig (da san.).